



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK
Služba civilne zaštite

Broj: 07-40-4-13-50/20

Datum: 17.03.2020. godine

IZVJEŠTAJ
PO SKRAĆENOJ LISTI PITANJA O DOSTAVLJANJU INFORMACIJA
OPERATIVNIM CENTRIMA CZ (zaključeno u 09:00 sati)

Red. broj	VRSTA INFORMACIJE	DNEVNO STANJE
1.	Prirodne nepogode i druge pojave i događaji	<p>Jučer (16.03.2020. godine), Vlada FBiH je na cijelom prostoru FBiH uvela stanje nesreće uzrokovane pojavom Coronavirusa (COVID-19). U skladu sa tim u poslijepodnevним satima Štab civilne zaštite Tešanj je održao hitnu proširenu sjednicu na kojoj je razmotrena situacija na području općine Tešanj. U skladu sa Odlukom Vlade FBiH i preporukama Kriznog štaba FBiH i ZDK donijeta je Naredba kojom se do daljnjeg naruđuje provođenje mjera u cilju suzbijanja širenja Coronavirusa na području općine Tešanj. Naredba je objavljena na web stranici općine i dostavljena svim medijima (http://www.opcina-tesanj.ba/index.php?option=com_content&view=article&id=18942:naredba&catid=35:novosti&Itemid=55)</p> <p>Prema službenim podacima Doma zdravlja Tešanj na području općine Tešanj evidentirana je 1 osoba zaražena Coronavirusom, a 161 pacijent je u samoizolaciji. Štab civilne zaštite je naredbom izdao između ostalog i preporuke izbjegavanja boravka u grupama na otvorenim i javnim prostorima, kao i provođenje svih mjera lične i opće higijene. Posebno je naglašeno da su svi građani koji su nedavno boravili u rizičnim područjima zaraženim Coronavirusom prema zakonskoj obavezi dužni poštovati boravak u samoizolaciji. Zabranjen je rad ugostiteljskim objektima nakon 18:00 sati i zelene i stočne pijace nakon 11:00 sati. Potpuno je zabranjena organizacija pijace polovnom i novom robom, rad kladionica, kockarnica, teretana, fitnes klubova, takmičenja, treninga i upotreba nargila u objektima gdje se koristi.</p> <p>Općinski štab civilne zaštite će u skladu sa preporukama štabova civilne zaštite viših nivoa vlasti i preporukama kriznih štabova izdavati naredbe i preporuke u skladu sa trenutnom situacijom, a sve u cilju što efikasnijeg provođenja mjera na suzbijanju zaraze Coronavirusom.</p>
2.	Stanje puteva	<p>Magistralni put M-17: Šamac-Sarajevo i magistralni put M-4: Doboj-Banja Luka: suh. Zbog izvođenja radova na sanaciji mosta preko rijeke Radušice na magistralnom putu M-4 u Rosuljama, saobraća se privremenom obilaznicom.</p> <p>Regionalni put RP-474: Novi Šeher-Prnjavor: suh.</p> <p>Lokalni putevi: suh.</p> <p>Saobraćaj se odvija po suhim putevima.</p>
3.	Klimatološki i drugi uslovi	<p>Stanje u 08:00 sati: vedro i sunčano;</p> <p>-Temperatura zraka u 08:00 sati: 1°C;</p> <p>-Relativna vlažnost: 93%;</p> <p>-Pritisak: 1015,1 mbar;</p> <p>-Pravac i brzina vjetra: - m/s;</p> <p>-Količina padavina za protekla 24 sata: - lit/m²;</p> <p>-Vodostaj rijeka: BOSNA, USORA, TEŠANJKA –U granicama normalnog. Vodostaj Usore jutros je iznosio 77 cm.</p>
4.	Informacije iz Policijske uprave	<p>U protekla 24 sata na području općine evidentirano je:</p> <ul style="list-style-type: none">- 1 narušavanje javnog reda i mira i- 3 prijave građana.
5.	Informacije iz Službe hitne pomoći i porođajnog odjela	<p>-Služba hitne pomoći u protekla 24 sata evidentirala je 50 intervencija, od toga 3 zbog povreda. U bolnicu je upućeno 9 osoba.</p>
6.	Snabdjevanje energentima, vodom i stanje telefonskih veza	<p>ELEKTRIČNA ENERGIJA – Zbog radova na elektroenergetskoj mreži tokom dana će povremeno bez električne energije biti trafo područje Jevadžije.</p> <p>VODA- Snabdjevanje vodom korisnika vodovodnih sistema Tešanj, Jelah i Kraševo jutros</p>

		se vrši uredno i ista zadovoljava zahtjeve Pravilnika o zdravstvenoj ispravnosti vode za piće. TELEFONSKE VEZE- Uredno funkcionišu. TOPLOTNA ENERGIJA- Uredno snabdjevanje.
7.	Ostale informacije	/

Dostavljeno:

1. Općinski načelnik,
2. Kantonalna uprava CZ,
3. Mediji i
4. Arhiva.

**POMOĆNIK
OPĆINSKOG NAČELNIKA
mr.sig. Mensur Saletović, prof.**